


Hallo Handwerk bréngt all Joer ville Schülerinnen a Schüler
aus der Gondschool d'Beruffer méi no

D'Passioun vum Handwerk an d'Klassen droen

► Et gëtt geplangt, gezechent, gehummert, geschrauft, geschnëppelt, gegipst, gebitzt, geschmaacht a geformt. Mee bei der Themewoch *Hallo Handwerk* gëtt virun allem vill Neies entdeckt iwwer d'Beruffer aus dem Handwerk. Zanter 2018 gëtt et déi Initiativ vun der *Chambre des métiers* an dem Ministère fir Educatioun, Kanner a Jugend.

Ronn **2 000**
Schülerinnen a Schüler
hu säit dem Ufank vum
Programm un *Hallo*
Handwerk deelgeholl.

De krénenden
Ofschloss vun der
Hallo Handwerk-
Themewoch
ass d'Visitt vun
Handwerker an
der Klass.



Article en français ►►►



Quoi? Une initiative pour faire découvrir les métiers de l'artisanat

Comment? Pendant une semaine, le thème choisi est abordé en classe dans tous les domaines d'apprentissage

Pourquoi? Les élèves du cycle 4 de l'enseignement fondamental

Wann Äert Kand interesséiert ass, d'Welt vum Handwierk kennen ze léieren, ass *Hallo Handwierk* eng ganz flott Geleeënheet dofir. D'Initiativ ass fir all d'Kanner aus dem Cycle 4 an de Grondschoulen.

Bei *Hallo Handwierk* fléisst d'Handwierk während enger ganzer Woch an d'Coursen an. Huet d'Klass zum Beispill d'Themewoch Daachberuffer ausgewielt, wäert an der Mathé d'Berechnung vu Flächen a Volume um Programm stoen, an de Sproochen déi verschidde Bezeechnunge vum Geschier an de Maschinnen, mat deenen Daachdecker schaffen, an de Wëssenschaften d'Notzung vum Holz an d'Hierkonft vun den Daachzillen an am Fach *Vie et société* déi verschidden Daachformen, déi et op der Welt ginn, oder d'Geschicht vun den Haiser ... D'Klass kritt och

eng *Hallo Handwierk*-Box zur Verfügung gestallt mat **allerlee Geschier a Material**, fir sech och mat prakteschen Übungen un de Beruff erunzeschaffen.

Handwierker an der Klass

De krénenden Ofschloss vun der *Hallo Handwierk*-Themewoch ass d'**Visitt vun Handwierker an der Klass**. Dee Moment bitt net just d'Geleeënheet fir d'Kanner, all méiglech Froen iwwer d'Beruffer ze stellen, mee et gëtt dann och ganz konkret e **praktesche Projet** mat de Schüerinnen a Schüer verwickelt.

Hei gëtt zum Beispill en Zylinderkapp vun engem Motor beschafft, Frisure gi gestylt, Zënnmodeller ugefäerdeg, Brëller montéiert, Stoffe bearbecht oder Marzipanmais hiergestallt. Am Fall vun der Themewoch Dachberuffer ass dat zum Beispill de Bau vun

engem klengen Daachstull. Ronn 600 Schüerinnen a Schüer aus 25 verschidde Schoulen hunn am Schouljoer 2022/2023 un *Hallo Handwierk* deelgeholl, den Interessi wüsst laut *Chambre des métiers*.

Fir d'Enseignantinnen ass et net nëmmen eng Geleeënheet, fir eppes Besonnesches mat de Schüerinnen a Schüer ze ënnerehuelen, mee *Hallo Handwierk* bitt e **valoriséierenden Austausch mat enger Beruffswelt**, fir innovativ Iddien, Perspektiven a Karriärméiglechkeeten am Handwierk kennen ze léieren.

Fir d'Handwierker, déi op fräiwëlleger Basis bei *Hallo Handwierk* matmaachen, ass et flott, de Kanner hir Passioun fir hire Beruff virzestellen an esou hiren Interessi fir d'Handwierk ze erwächen. ■

#kontext

Klassen aus dem Cycle 4 kënnen sech **iwwert hiert Léierpersonal** bei der *Chambre des métiers* mellen, fir bei dëser Initiativ matzemaachen. Si hunn de *Choix tëschent enger Rei* vun Handwierksdomainer, wéi zum Beispill *Mécanique*, *Alimentatioun*, *Moud-Gesondheet-Hygiène* an *Daachberuffer*. Dës Lëscht gëtt konstant ausgebaut.

D'Enseignantinnen kréien dann e Programm zur Verfügung gestallt, fir dat ausgewielten **Handwierksthema** während enger ganzer Woch ze behandelen, an dat **fächeriwwergräifend**.

Dobäi kann d'Léierpersonal sech op fäerdeg **Aarbechtsblieder** stäipen, déi en *Aarbechtsgrupp* vun Enseignantinnen mat der *Chambre des métiers* zesummen ausgeschafft huet.

Fir weider Informatiounen zum *Projet: Chambre des métiers Service Perspektiv Handwierk* (+352) 42 67 67 - 218/244 perspektiv@cdm.lu

Wann Äert Kand interesséiert ass, d'Welt vum Handwierk kennen ze léieren, ass *Hallo Handwierk* eng ganz flott Geleeënheet dofir.

↓ Bei *Hallo Handwierk* fléisst d'Handwierk während enger ganzer Woch an d'Coursen an



↓ D'Initiativ a Bild an Toun (Video)

